



*Kamis, 28 Januari 2020*

**Ogen: Epesus 5:15-17**



**Makeken Kesempatan**



Lit 2 pengertin waktu eme : Kronos ras kairos. Kronos ertina waktu si man bentasen teptep wari, janah waktu berulang teptep tahunna. Umpamana, tanggal 28 Januari tetap nge lit tep-tep tahun la pernah nilah. Kairos, eme kesempatan si lanai banci iulih adi enggo lepas, emaka ula sia-siaken kesempatan sinibereken Tuhan man banta. Rususr si begi istilah, 'kesempatan tidak datang dua kali.' Adi sendah tanggal 28 Januari 2021 kita erpesta janah meriah ukurta, tapi tahun si reh 28 Januari 2022 banci ka nge kita tangis ras sakit. Emaka sanga lit denga ibereken Tuhan kesempatan man banta dahikenlah ras nikmati kegeluhenta.

I bas kitab Efesus, Paulus ngajarken perpulungen gelah ula bagi kalak motu si la makeken kesempatan alu mehuli, tertaren taren, seh dungna lanai lit waktu erdahin perbahan la ipakekenna waktu alu mehuli. Tapi kalak si pentar, makeken teptep kesempatan alu mehuli, la itimaina pagi adi wari enda enggo banci idahiken. Kalak pentar ngasup makeken waktu alu mehuli janah ngidah kemulian Tuhan i bas kai si jadi man bana bas geluhna.

Bage me pengajuk man banta gelah pentar makeken teptep kesempatan alu mehuli dinggen i bas makekensa e ngasup kita ngidah kuasa ras kemulian Tuhan. Kesempatan e rehna I abs Tuhan nari, IA nge si 'pemilik waktu' e maka mehergalah siakap janah pakekenlah e alu mehuli. Kalak si meherga iakapna waktu si ibereken Tuhan, meherga akapna geluhna ras ngasup ngergai kalak sideban. I bas mpergunakan waktu e perlukel kita nuliskan kata "geluhku erguna" ras ernanam man kalak sideban. Entah kai gia jabatenta, pendahinta, kai pe pelayanenta lakokenlah simehulina.